



## partii naleraq

Nuuk, oktobarip 17-t 2017.

UKA 2017/44

**Suliffeqarfiit nutaat aallarnisaasut akileraartarnikkut qanoq oqinnerusumik qanorlu pisortaniit ikorfartorneqarsinnaanerit pillugu apeqquteqaat aallaavigalugu Inatsisartunut oqallisissiasatut siunnersuut.**

(Inatsisartunut ilaasortaq Peter Olsen, Inuit Ataqatigiit)

Siullermik oqallissaarisooq Peter P Olsen Inuiat ataqatigiit oqallissaarineranut qujanaq. Suliffeqarfiit nunatsinni aningaasaqarneq tunngavigalugu qimerluualaaraanni pissutsit piviusut imaapput:

- 90% missaat pisortat tamakkiisumik ilaannakortumilluunniit ingerlataarat
- 10% misaat namminersortunik ingerlanneqarput

Taakku 90% missaat pivallaarnagit ukuli 10% missaat misissuataalaaraanni taakkua aamma 90%-iisa missaat nunatta avataaninngaaneersunik pigineqarput – GE-mi suliffeqarfiit ilaasortaasa takussutissiinerat ersarippoq.

Nunatsinnilu inuit inuiaassutsimut agguataaraanni imaappoq kalaallit 90% missaat nunami allamiullu annerpaamik danskiusut taakku 10% missaraat – allatut paasillugu assiliaq mumingasooq suliffeqarfinni piginnittuunermi takuneqarsinnaavoq, amerlanerussutillit oqartussaajakkat (minoritized majority)? Tamannalu niaqormioralugu una qulequtaq sammerusunnarpoq, Kalaallinut kajuminnartuusariaqarpoq suliffeqarfinnik nutaanik aallartitsisarnissaq.

70-kunnimi kalaallit namminersortut ersarinnerujussuunikuupput, pissutsit soq taamanikkorninngaaniik ajorseriansimanerpat? Qularnanngittumik namminerisatsinnik aningaaseriveqalernitsigut ilorraap tungaanut naapertuunnerusumik alloriartoqarnissaa takorloorsinnaaqaarput.

Suliffeqarfinnik aallarnisaaniarneq pissutsit, nunani allanut sanilliulluta, qulaani eqqartukkagut tunngavigalugit unaminartortaqaarsinnaasaqaaq immikkuullarilluinnartunik. Taakku tamatsinnut maluginiaqqunaqaat.

Taakku saniatigut siunnersuuteqartup qaqitaa, qanoq oqinnerusumik suliffeqarfimmik aallartisaasutut, periarfissarsiuussisinnaaneq ilumoorpoq eqqartortariaqarparput.



## partii naleraq

Politikkikkut aalajangersaaneq oqilisaassiniarluni pilersinneqarnikuupput: Greenland Business/Greenland Venture, Visit Greenland assigisaallu, taakku saniatigut kommunit namminneq aamma suliffeqarfiliorniartunik “ernisussiortunik” ingerlatsipput. Taakku saniatigut aamma equngasumik unammillertoqannginnissaa siunertaralugu unammilleqatigiinnermut nunarput inatsiseqalernikuuvoq.

Taakku qulaani taakkartukkatta saniatigut siunnersuuteqartoq isumaqatiginarpoq akileraartarnikkut oqilisaassisoqarsinnaanerata nalilersorneqarnissaa.

Sorpassuit oqilisaassinissat tikinneqarsinnaapput, aammali kikkunnt oqilisaassinissaq eqqarsaatitsinni ilaasiariaqarluinnartut partii naleqqamiit taajutigalugu oqalliseqataanissamut ugguuna nalunaarutigaarput.

Qujanaq

Per Rosing-Petersen